

嘉靖蕪州誌

地 260.99
1275
部三 記



蘄州誌卷之六



文林郎致仕知縣州人甘澤纂輯

儒學學正閩人王舜卿校正

訓導真陽裴文采同校正

訓導閩人趙士讓編次

訓導蒙化李茂同編次

名宦 歷官

州牧之設其來尚矣蓋不特秦廢封建之後然也王制千里為州州有守其時列爵惟五實分諸侯之任春秋以降則曰州尹

蘄州誌

地

一

曰知州曰知府曰刺史雖名稱不一所以承流而宣化也夫豈有異哉蘄州自創始以來州牧無慮數百然州無紀載之書牧無題名之石世遠人亡隨以湮沒者多矣於乎甘棠有詠秀麥有歌豈吾人果不古若耶今采其所可知者表而列之賢否兩存使傳循吏者將有徵亦因以示勸戒於後

名宦

唐

韓思彥蘄州錄事參軍嘗過汴州有張僧澈者
廬墓三年詔表其閭請思彥爲頌餽縑二百
不受固請爲受一疋謂其家曰此孝子之縑
不可輕用

員半千蘄州刺史不專任吏惟以文雅自飭故
禮化大行

呂元膺蘄州刺史嘗錄囚囚因歲旦不得省爲
恨囚泣元膺惻然悉釋械歸之而成其依期
還吏白不可膺曰吾以信待人人豈我違囚
依期至自是群盜感德相率避境而去

蘄州誌

地

二

宋

呂誨字獻可開封府鄆城縣人治平中爲御史
知時雜議推尊濮王典禮誨力陳不可彈劾
楊修首建邪議併劾韓琦魯公亮附會出知
蘄州尋徙晉州加集賢殿修撰知河中府
范純仁字堯夫蘇州人仲淹子從胡瑗孫復遊
勤志肄業父歿始出仕知襄城縣治平中爲
侍御史多所彈劾畧無諱避時方議濮王典
禮與御史呂誨等更論奏不聽家居待罪既
而尊號甫定復以言詔就職遂通判

安州改
知蘄州

王禹偁字元之咸平間知黃州暮年政通人和

百廢具興士君子慕其高風大節移知蘄州

謝表云宣室鬼神之間敢望生還茂陵封禪之書已期身後帝曰禹偁其亡乎踰年而卒

林大年錢塘人和靖先生之姪孫也父宥承和

靖教登進士甲科生大年介潔自喜為英宗

朝侍御史連被臺移出治獄拒不肯行為中

丞唐介所奏降知蘄州卒于官

張商英字天覺蜀州新津人長身偉然姿采如

峙玉負氣傲儻豪視一世元符間朱諤彈商

英在紹聖初雖有章疏論列元祐臣僚然本

蘄州誌

地三

是姦黨遂出知蘄州列名黨籍

梅執禮仕為給事中與宰相王輔相善以詩規

之輔怒罷顯謨閣待制出知蘄州

李宥知蘄州歲凶民散委嬰兒而去者相屬於

路宥令吏收取計口給谷俾營婦均養之每

旬閱視所活甚衆

虞策字經臣杭州錢塘人登進士第通判蘄州

時蔣之琦以江淮發運上計神宗訪東南人

以策對擢提舉利州路常平湖南轉運判官

召為監察御史進右正言仕至龍圖閣學士

蕭服

廬陵人第進士以使事得入對徽宗謂有

韓世清知蘄州州人請為兵馬鈐轄有賊劉忠

犯州境世清戰破之

施溫舒淳熙間知蘄州淳祐間刻震澤語錄于

李宗思建安人與朱文公相交善乾道八年為

蘄州學教授文公為教授廳記美其善教

羅頎徽州人宋吏部尚書汝楫之子鄂鄂二州

太守之弟紹興間通判蘄州事賜緋

王玠蘄黃鎮撫使司幹辦公事會鎮撫使孔彥

舟謀叛開陳百端不聽入罵曰逆賊萬段彥

蘄州誌

地

四

舟併玠家屬沉之龍眼磯

李誠之字茂欽婺州東陽人知蘄州寧宗嘉定

十四年辛巳金人犯境極力捍禦不支城破

子死引劍將自刎呼其孥曰城已破汝等宜

速死毋辱妻與婦及孫皆赴水死事聞贈朝

散大夫祕閣修撰封正節侯廟祀于蘄賜額

褒忠仍贈其妻孥之死難者

秦鉅字子野江寧縣人丞相檜之曾孫通判蘄

州嘉定十四年金人犯境與李誠之協力捍

禦不支乃赴一室自焚有老卒冒火挽出叱

曰我為國死汝輩可自求生掣衣赴火而死
子浚與澤皆從父死鉅贈五官祕閣脩撰封
義烈侯浚澤贈通直郎淳祐十二年封鉅義
烈顯節侯合祀李誠之廟

趙汝標為蘄州防禦判官金人犯境從李誠之
死贈承務郎

甯時鳳為蘄州蘄春縣主簿金人犯境從李誠
之死贈承務郎

阮希甫為蘄州學教授金人犯境從李誠之死
贈承務郎

蘄州誌 地 五

嚴剛中蘄州都大監轄蘄州鎮倉庫金人犯境
從李誠之死贈承事郎

杜諤錄事叅軍兼司戶金人犯境從贈承務郎

林滂蘄春縣知縣與統領孫中江士旺俱從李誠之死

葉適知蘄州以經濟自負入為尚書郎官

余童知蘄州賑濟法盡括戶內之數第為三等
量戶力以賑貸之又合五邑度地均粟置場

立人以主察之去後人思之不忘

王益蘄州安撫使景定四年元兵據白雲山設
砲臨城趨鴻宿州擇麒麟山遷置今治得古

墓塊石刻云本有千年地姑借五百年感謝
王刺史移我過西園觀此則去難圖存怙恃
赤子是雖出於一時而實緣於前定云

王彥明

蘄州舊誌云王彥明守蘄州元兵壓境力戰糧
乏忠義不屈挈其妻子乘大艦于城西龍眼磯
慷慨鑿艦沉水而死州人以為烈士立廟于磯
之北岸祀之

謹按元世祖中統四年癸亥即宋理宗景定四
年癸亥元兵據舊治河西白雲山設砲臨城守

者懼夜率其民保鴻宿洲以據之安撫使王益
相度麒麟山陽遷創今治五年甲子理宗崩度
宗即位改元咸亨二年丙寅元人哨掠襄樊三
年丁卯元人經畧襄陽四年戊辰至九年癸酉
元圍樊城四年而樊城陷圍襄陽三年郡守呂
文煥以城降之呂文煥以元人之師徇鄂州辭
竣反行守將程鵬飛以城降之程鵬飛以元人
之師徇黃州知州陳弈以城降之度宗崩明年
乙亥孝恭懿聖皇帝即位改元德祐元年陳弈
以元人之師徇蘄州知州管景模以城降之自

景定四年癸亥至德祐元年乙亥十又二年有
奇元兵凡兩犯蘄在官惟益及模厥後元兵不
聞再至亦未嘗復有彥明者為守也天順間知
州金公鉞為其廟記取舊集之誤而直書其事
弘治間楊公淮陳公霽承訛襲舛皆謂為前守
追配李誠之秦鉅王玠並稱四節合而祀之夫
誠之與鉅事見宋史玠則著見統誌若彥明事
按史傳則非其時亦無是人遽揭而齒諸三公
使彥明有靈亦安肯冒領秩銜而緬面饜食于
明禋之際乎澤方推思考究偶得故族王氏家

乘讀之其先徽州人在東晉有拱居蘄陽縣二
子長彥明次彥良彥明仕晉值恭皇帝禪位于
南宋高祖武皇帝劉裕乃矢不事二主棄官歸
蘄裕將徵用詔再至挈家鑿舟於龍眼磯中流
沉水而死時人哀其義不忘晉私謚烈士祠祀
于磯之北岸彥明事至是始明詎其死差異於
三公究其節則有符合者在參以為四配享祠
祀也亦宜今志釋其宦籍而列諸人物庶使考
者知其梗槩云

續按平宋錄至元十二年宋孝恭德祐元年正月五日

王王伯顏與阿木平章召呂文煥及陳奕謀取蘄

州王曰聞管景模呂師道等與汝最親可以書

示之使來降文煥奕遣人至蘄景模答書請降

九日先令文煥奕及蒙古萬戶選水軍數萬泛

舟而下趨蘄州十日平章進兵蓮子灣是夜文

煥遣人賫賈似道夏貴與管景模及池州張林

等書言欲據蘄州王密議俾阿木平章率舟師

先造蘄城下王部水陸之師繼至景模出降即

以為淮西宣撫使師道為同知留千戶帶答兒

蘄州志 地 一重七

戍守其地觀此則彥明非蘄州守益明矣

宋

嘉靖十年四月終感一異夢五月物偶獲此文正與夢合信乎正氣不隨死而亡也

王玠字介玉長洲人倜儻負氣節酒酣嘗舞劍為

樂徙居鄂州黃廷堅謫官來鄂玠以文贊見大

蒙擢賞廷堅贈以詩由是有聲江湖間紹興初

孔彥舟為舒蘄鎮撫使自荆湖徙蘄口鎮厚禮

聘玠奏為幕屬凡捍蔽衝要撫循鄉井玠悉啟

彥舟行之初權邦彥知東平府彥舟隸麾下因

事叛去及聞邦彥簽書樞密心不自安又宣州

韓世清伏誅及福建宣撫副使韓世忠自湖外

破劉忠俘馬友順流東下彥舟疑其圖已遂有
異志問計於玠玠烈士也正色答之曰總管被
命鎮撫二州任優祿厚豈可負朝廷自陷不義
諭以順逆凡數百言彥舟怒囚之粵數日復問
之玠曰君不能與韓公爭先立功以報君父顧
乃甘心與逆賊爲比而慮其見圖苟欲富貴能
建大勲業於國家則可獨北虜能富貴人哉君
誠欲反幸先殺我孰謂王玠而從賊耶彥舟竟
沉玠於龍眼磯與妻子俱死時紹興二年六月
十三日也彥舟殺玠引兵北降劉豫初玠赴彥

蘄州志

地

二重七

舟之辟或請止之玠曰吾慮之熟矣彼方駐兵
于此姑爲鄉井計儻能息其暴戾固非玠一身
之計邪玠嘗有讀楚詞詩意以原自况及被害
鄉人悲其志爲立廟磯上周燾賦哀詞刻石焉
秦希甫字辨之元豐進士元符中爲陝西轉運
判官以言罷去後事白出知蘄州

丘岳字山甫嘉定十年進士授太湖尉辟蘄州
推官歷黃州通判兩召爲工部尚書累贈特
進官至正議大夫封東海郡侯

元

趙箕翁正間任蘄州總管稱以廉能

鮮觀江西吉水人以易經中進士第任蘄州錄事執法不撓

國朝

左安善吳元丁未守蘄州路洪武元年戊申改路為府擢知府事有守有為故當平定之初民亦賴以安堵三年庚戌陞刑部侍郎

徐麟本府廣濟人吳元年為司農洪武元年調河南府同知洪武二年以擒元散卒之功陞河南府知府洪武三年調蘄州府就祿養親先聖五十四代孫孔思森知蘄州時改府為州

蘄州誌

地

寔洪武之十年也設科條振綱紀政治因之一新

楊琪知蘄州多幹才洪武二十三年奉民部榜移建預備四倉調度不擾于民

李士安知蘄州宣德二年伐石為鄉舉題名碑表既往以勵將來留心風化殆知為政之先務焉

王坦字子平鄆成縣人正統間知蘄州勤慎有守政尚寬平勸士子民殆終其秩而不渝

金銑字宗潤淮安山陽人由鄉舉知蘄州入脩

國史秩禮部祠祭司員外郎陞廣信府知府文學
該博政事通敏興學校均徃後凡百廢墜悉
舉而新之而民無怨言所著有省菴集

莊轍字中輿上元人成化間由進士為秀水令
擢知蘄州廉介自守仁惠及人先是學校湫
隘撤明倫堂而宏敞之復拓三楹為樂育堂
闢東西隙地各建書樓二十四間時考生徒
勤惰優給燈油紙筆以師儒清約時餽相繼
不輟凡有興作不妨于農惟公處募閑民比
有劇盜逼蘄民兵被殲輒至泣下優恤其妻

人蘄州誌

地 九

子民懼回祿灾捐米席給助貧乏師生公廩
文武官軍俸糧月有支給而調庸惠愛之政
殆不可以悉記

何綸廣東順德縣人弘治戊申由鄉舉來知州
事廉介自信剛毅明決所行悉懲前政尤致
意倉庫凡在科稅支收悉如令故一時攬納
侵欺之弊蕭然無聞踰年以憂去士民思之
葉仕美閩縣人耿介剛明不為時變怵迫因事
見愠于公室會要于路從容與語曰冠服乃
朝廷之制不可毀也于是公室悚然而退正德八

年霸州賊劉六劉七溯流來寇仕美不俟與
從單騎亟招郊民入城相守一廉如水苞苴
無累至今蘄人誦之

李純福建莆田人由乙榜訓導登進士第始為
淮寧尹民服其明擢是州潔已愛民政聲益
著平生挺特剛勁遇事果斷不怵勢利吏畏
而民懷之以述職去改欽州陞宗仁府經歷
俞敬字一中別號沙泉永康人由進士授刑部
主事轉員外郎正德乙亥添註蘄州同知廉
介有為愛民如子至興學勸士尤惓惓公暇

蘄州志

地 十

輒杜門尚考古人行事以飭其政一時縉紳
罔不推服而稱其為儒吏後陞至後府經歷
擢知思州府

張弘宜字時措華亭人由進士授監察御史弘
治八年出為蘄州判官劇繁剔劇才斷過人
凡民間事罔不精究知無不行行無不當一
時境內安堵悉蒙其威明之惠焉後歷沔陽
知州陞湖廣僉事轉雲南副使卒于官

董佐江西撫州府臨川縣人中乙榜為蘄州學
正博聞強識鈎深致遠不事口吻之說教學

者以性命之理師道大振成就頗多今合祀

崇賢祠

林宗字存敬號敬齋莆田人天順間為蘄州學

正教授生徒一宗體用之學去之日學者追

慕建祠祀之扁以崇賢副使邵寶通判黃壽

有記孫俊歷湖廣按察使陞江西都御史復

起巡撫四川經過必祭告祠下文見碑刻以

俊貴贈工部尚書

歷官

唐

人蘄州誌

地 十一

蘄州錄事

韓思彥見名宦誌

蘄州刺史

員半千見名宦誌

呂元膺見名宦誌

宋

蘄州知州

呂誨見名宦誌

范純仁見名宦誌

王元之見名宦誌

林大年見名宦誌

張商英見名宦誌

梅執禮見名宦誌

李宥見名宦誌

虞策見名宦誌蕭服見名宦誌

韓世清見名宦誌 施溫舒見名宦誌

葉適見名宦誌 余童見名宦誌

李誠之見名宦誌 王益見名宦誌

管景模咸淳間出知蘄州至德祐初元兵侵蘄
舉城就降奔阿苟容獻款虜庭宋之恃臣也回
視趙昂發輩之死則其生也何庸于世哉

元 蘄州路總管

趙質翁見名宦誌 狄思聖 趙昭武

李榮祖見名宦誌

蘄州錄事

入蘄州誌 地 十二

解觀見名宦誌

國朝

李士安見名宦誌 王坦見名宦誌

蘄州府知府

左安善見名宦誌 徐麟見名宦誌

宋

蘄州通判

羅頎見名宦誌 秦鉅見名宦誌

國朝

蘄州知州

孔思森見名宦誌 楊琪見名宦誌

錢敏

姜浩

金銑見名宦誌 陳範

趙應隆四川合州 何堯中四川合州人

莊轍見名宦誌 王宜江西新淦縣人

白福祥符縣人 周廣榮江西上高人

何綸見名宦誌 楊淮淮安府山陽縣人

侯直華亭縣人詳見補遺 陳壽嘉興府秀水人

余忠無錫縣人 李紳河南內鄉縣人

入蘄州誌

地十三

葉士美見名宦誌 黃嵩江西浮梁縣人

李純見名宦誌 楊清浙江山陰縣人

魏脩興化縣人 李孚先福建莆田人

季材進賢縣人

蘄州同知

萬惟民 王倫淮安府人

王韶應天府人 陳琳浙江人

周仁廣廬陵縣人 鄭昕蘇州府吳江人

劉夔江津縣人 何謙廣東東莞縣人

劉暄浮梁縣人 林宗重福建莆田人

丘蘭光山縣人

魏雲直隸興化縣人

方溥祈門縣人

俞敬見名宦誌

劉禾江都縣人

沈澹直隸吳縣人

吳中立字孔卓廣東增城縣人自嘉靖二年到任七年一民不被其害惟賦性耿介不能容悅以媚時竟坐毀罷官去之日縉紳惜之

宋

蘄州判官

趙汝標見名宦誌

國朝

李德玄

張翥

人蘄州誌

地 十四

武信

鄭瑀福建人

李能四川納溪縣人

李謙

張弘宜見名宦誌

劉佐江西進賢人

單軫四川慶符縣人

周松年四川南溪人

李昭直隸廣德州人

孫甫四川犍為縣人

蘄州吏目

王伯成

楊春江西袁州府人

鍾洪四川嘉靖州人

柳經陝西人

縱緘直隸沛縣人

丁郁應天府溧水人

胡璉西安府華州人

謝實四川墊江人

劉濟直隸霸州人

宋 蘄州蘄春縣

知縣林榮見名宦誌 主簿甯時鳳見名宦誌

國朝 蘄州府蘄春縣知縣

王德明吳元年任

宋 蘄州學教授

李宗思見名宦誌 阮希甫見名宦誌

國朝 蘄州府學訓導

陳堯章見人物誌 趙霖見人物誌

蘄州學學正

蘄州誌

地 十五

江景福

萬鈞黃陂縣人

陳豐

王謀蘇州府人

董佐見名宦誌

林宗見名宦誌

朱成四川重慶府人

陳瑄福建閩縣人

裘淑登浙江天台人

倪憲仁和縣人

袁珽廣東東莞縣人

李時達博羅縣人

劉璿直隸宣城縣人

黃玉臨安府人

周綱雲南晉寧州人

倪鎧上虞縣人

訓導

陳騫

李素

李太沿山縣人

陳克仁福建莆田人

羅鍾四川忠州人

柯茂直隸池州府人

徐仁蓬溪縣人

黃和直隸安慶衛人

楊浩浙江剩縣人

蕭環江西新淦縣人

衛永昌曹豐縣人

劉聰直隸江都縣人

王一鄂巴縣人

林鍾福建連江縣人

吳伯鈞內江縣人

張灝江西德興縣人

羅昕儀隴縣人

李明四川名山縣人

蘇龍寧都縣人

封洲河南內鄉縣人

人新州誌

地十六

王啓賓州人

章鑰浙江富陽縣人

見任

知州

周南字文化別號宜齋南京羽林衛人嘉靖八年

年十月二十一日到任

同知

彭紳字大章廣西平樂府平樂縣人嘉靖八年

六月二十一日到任

判官

譚崇字阜之四川夔州府巫山縣人嘉靖三年

十二月二十一日到任

吏目

奚銘字惟警江西南昌府

新建縣人嘉靖五年八月二十五日到任

學正

王舜卿字師禹福建福州府

閩縣人嘉靖五年九月二十九日到任

訓導

裴文采字尚質河南汝寧府

真陽縣人嘉靖二年閏四月二十六日到任

趙士讓字質夫福建福州府

閩縣人嘉靖二年十月十一日到任

李茂字廷秀雲南蒙化府

人嘉靖七年八月十五日到任

名宦補遺

／ 蘄州誌

地 志

宋

陳晦字大著知蘄州瀕行魏了翁分韻得輝字

詩以送之惠民之政為之預道焉詩見鶴山

文集

國朝

侯直字公繩華亭人由進士第任主事遷通判

擢知蘄州廉介有為愛民如子雖禁令嚴謹

不容私謁而常愛接名士耆老詢以民瘼後

陞太平府同知至山東副使卒于官

蘄州誌卷之六終